

Na bhan tum bhai'ñ bhan Concurso Público gu OPLE (Alhi'chkadhix)

Gu Instituto Nacional Electoral, bhan' gu Dirección Ejecutiva ga'n gu Servicio Profesional Electoral Nacional, ja ba'iñ gu ja'tkam nam mi jix bapkimka' Servicio Profesional Electoral Nacional ga'n gu Sistema de Organismos Públicos Locales Electorales, namba' partiparu' bhan' gu Concurso Público 2026, nam ba' mi' tu juana' na pai' aixim jix bhai' nar Servicio Profesional Electoral Nacional, Organismos Públicos Locales Electorales (OPLE) bhan.

I. Na jax kai'ñkam pui' tum duñia'

Maxik pui' tum duñia' nam pai'dhuk aaga' nam jaro'i mi daasa', cham tu'm ixcho', bhan na jix jix chu mat, no' jix matit tu juan na ba' jix bahi dhunñia na tu' kam tu juana' bhan gu *materia electoral* mi' nam pai jir OPLES..

Gu concurso Público jup jum bua na ba' jix bhai' pui' tum buada' gammiji na pai'dhuk nai ji chum a'ga' na jix chum kambiarumka', na nai' ji chum oipia' asta na pai'dhuk tim tiimo' na tum ja'kolhdhimii ya' nar Korian. Na ba' pui' jum duñia' jum aa' nam mi ja bapsa' gu ja'tkam nam jix bhai' tu juanda', jix chu matka' gio nam jix tu anda' na ba' jix bhai' pui' tum buada na pai'dhuk pu'ñi tum buada'.

II. Nam jaxchu'm gu jat'kam ja bai'ñ

Jir am'ka' nam partisiparu' gu jat'kam ya' Meejik kam nam jix aa' nam mi bapkia' na pai gu Servicio Profesional Electoral Nacional ga'n gu OPLE, dai no mit pix bix tu maa' na tu' tum tan gio pui' chu duu na tu' tum aa' dhi' na ya' bhan tum bai'ñ gio na tu' bhan tum aa' nam tu' bhan jix chu juanam. Sia jir am'ka nam partisiparu' gu jat'kam nam mi' pu tu juan Servicio Profesional Electoral Nacional bhan, nom' pix jix aa' nam jix io'm ~~te'keb~~ bap tui'ka' ke nar jir tu'da' xib, dai nam pix bix pui tu duñia' na tu' tum aa' dhi' na ya' bhan tum bhai'ñ.

III. Na tu tum aa' nap ba' partisiparu'

- Na jir Meejik kam ka', nam jir jix bhail'kam ka' gio na jix bhail'ñka' na tu botaru'.
- Nam bia'ka gu credencial na ki'n tum botar.
- Na chamtu' mi baxka' jax chu'm *partido político* bhan.
- Nat cham jaxchu'm *partido político* bui jum dai na jir kandidatoka' na ba' jum gø'kamta' dhi baik oidha' nat ya' ba jur.
- Na cham jir ma'nkam ka' na cham jix bhaika' na *gobierno* tu juana'.
- Na jix mati'ka' na jix chu maat gio na pui' ja'k tu'm bhan ba tu jua' na jax chu'm ya' tum aa'.
- Na bix jix bhail' tu jimia' na tu' jum agidha' bhan gu Concurso.
- Na tu makia' gu u'uan '8 de 8 contra la violencia' gio na pimarixka'.

IV. Na jax ja'k tum duñia' nam ba' bix pareju mi jim da' u'ub gio gu chichio'ñ

Gu Concurso Público 2026 jup jum dhuñia' bhan na jax jak jum kaich gui' nam puijak ti' *principios de igualdad sustantiva*, nam cham ji'k menas pix ja nññdha' jik gu jat'kam gio no'm pix jir jat'kam ja baidha. Chamtu' jir am'ka nam ji'k cham ja a'nda' gu jat'kam, piam nam ji'ma'n pix jix bhail' ja titdada', no'm gu' makam tu'm, jir ja'pak kam, na ji'k oidha bia', no jax chu'm bia' gu *discapacidad*, no'm jix kako'k piam sia tu' no'm jax chu'i'.

Nam ba' bix gu ja'tkam nam jix chu juanamka' pareju jup tui'ka', jam jix bhail' tu duñia' na ba' jaxchu'm no' cham bia' *discapacidad* cham xijaichu'nka'. Na ba' pui' tum duñia' axim tum buada, pui' na jax gu *documentos digitales* na ba' sia jaroi' tigia'; nai' tim ti'ñchuda gu' na bhan tum bai'ñ alhi'chkadhixim aixim o'dam ñi'ok ki'n; tum palhbuidha' nam ba' bhan bapkia' gu Subsistema; no'm agim, nam mikpa' ja do'ñcho' nam jup tu duñia' gui' na ki'n jix maati' no'm jix chu maat; gio no' tu' jum aagim nam pai'chuk tu ja tikka' piam no'm aa' ma'n nax maati' tradusirka' gu Lengua de Señas Mexicana piam no' jum aa' nam palhbuidha' na nai' oilhia', gio na tu' jum agidha'.

V. Na jax jak tum dhuñia' dhi na ya' bham tum bhail'ñdel

Gu *concurso* jup tum dhuñia' bhan jix jum maakob bhan, dhi'ñi dhi tanolh na ya' tu daxix:

Na tu' jax jum dhuñia'.	Na pai' dhuk pui' tum duñia'.
Na pai'dhuk tum ti'ñchuda' dhi' na bhan tum baidha'	Jano' dir 30 bhan julio nammu jugit 14 bhan agosto 2026
Nam pai'dhuk jum daasa' gui' nam jix chu juanam	Jano' dir 7 nammu jugit 14 bhan agosto 2026
<i>Na tum anda' nam jé' jup duñia' gu examen na ki'n jix maati' nam ji'x jix chu maat.</i>	Jano' dir 24 nammu jugit 28 bhan agosto 2026
<i>Nam pai'dhuk jup duñia' gu examen na ki'n jix maati' nam ji'x jix chu maat.</i>	Jano' 19 bhan septiembre 2026
Na pai'dhuk tum tisandha gu u'uan nam ba tu tigia' nam tu bha tu tan	Jano' dir 10 nammu jugit 16 bhan agosto 2026
<i>Na pai dhuk jup jum duñia' gu evaluación psicométrica</i>	Jano' 7 bhan noviembre 2026
Nam paidhuk ti ja tikka'.	Jano' dir 18 bhan noviembre 2026
Na pai dhuk tu maddilhia nat jax chu ja ji'	Daxix gok siman bhan diciembre 2026 dir
Nam paidhuk ja darsa' gu ja'tkam nam mi' tu juana',	Jano' dir 21 bhan diciembre 2026

VI. Na pai'dhir tum agindhai'

Bix gui' na tu' tum mattunda' bhan gu Concurso Público jir mi'dhir ka' bhan gu *página* ga'n gu INE: www.ine.mx.

No'm tu' jix machim piam no'm jix a' nam ja palhbuidha' gu jatkam jir amka' nam mui' xi chu ñio'kdha' na pai' jir **INETEL bhan 800 433 2000** piam nam mui' xi chu u'ana' bhan gu correo electrónico concurso-ople.spen@ine.mx, *lunes* dir *viernes* ju'nkat, 09:00 dir 18:00 jugit..